

लहना

व्यावसायिक पत्रकारिता, थौंया आवश्यकता

LAHANA WEEKLY

वा:पौ

सा:गु भिंगु मरिचरिया निति
लुमंका दिसँ ।



लक्ष्मण गजाल 'चिलमि'
प्रोप्राइटर
लाखा छँ
LAKHA CHHEN

सोह्रखुटे, वडा नं. १६, चौ, फोन नं.: ८३६०७५८

थुकि दुने

स्वनिग:या अस्तव्यस्तता व नेवा:तय दुधा:
सानुराजा शाक्य - २



सुमन सायूमि, कजि
सतक विस्तार पीडित संघर्ष समिति - ३



हिट हिरोइन
फ्लप प्रोड्युसर
विजयरत्न
असंबरे - ६



नेपा: राष्ट्रिय पार्टीया
निक्व:गु त:मुँज्या फोटो फिचर
४-५ पेजय

स्थानीय चुनावय् ब्वति मकया: गल्लि यानागु जुल : नाय: डा. सैजु

१०गू पहिचान सहितया प्रदेश व छगू गैर भौगोलिक प्रदेशया हे पक्षय

लहना संवाददाता

स्वनिग:या आदिवासी नेवा: लिसें आदिवासी जनजातिया पहिचान व हक अधिकारया निति नीस्वंगु नेपा: राष्ट्रिय पार्टीया निक्व:गु त:मुँज्या क्वचा:गु दु । उगु त:मुँज्यापाखें नेवा: पहिचानया मुदाय् स्पष्ट धारणा पितब्युसँ निक्व:गु संविधानसभापाखें पारितया या:गु न्हयगू प्रदेशया पक्षय मदुगु व थुकि नेपा:या आदिवासी जनजातिया पहिचान व हक अधिकारयात स्थापित याय् मफइगु खँ धा:गु दु । प्रदेशया सन्दर्भय न्हापांगु संविधानसभा अन्तरगतया राज्य पुन:संरचना आयोगपाखें पितब्युगु १०गू पहिचान सहितया प्रदेश व छगू गैर भौगोलिक प्रदेशया हे पक्षय दुगु धासे थुकियात पारित या:गु नेपा: राष्ट्रिय पार्टीया न्हूम नाय: डा. विजयप्रकाश सैजु जानकारी बियादीगु दु । “पहिचानया मुदाय् हाकनं छक्व: भ्नी दनागु दु ।” वय्कलं धयादीगु दु ।

पार्टी स्थापनाकालनिसें हे थीथी संकट फय्मालाचवंगु नेपा: राष्ट्रिय पार्टीयात ‘पहिचानया मुदा’या खँय थीथी आलोचना नं



जुयाचवंगु ख: । स्पष्टकथं नेवा: पहिचानयात स्थापित याय्गु इवलय् स्वायत्त नेवा: प्रदेशयात अवधारणाकथं न्हयमच्युगु व न्यागू भौगोलिक प्रान्तया अवधारणा ज्वंगु हुनि हे पहिचान विरोधीकथं नेपा: राष्ट्रिय पार्टीयात कायगु यानाचवंगु ख: । थ्वहे इवलय् न्हूम नाय: डा. सैजु धयादी, “उकियात वाँछ वया: १० गू पहिचानलिसंया प्रदेश लिसें छगू गैर भौगोलिक प्रदेशया अवधारणायात पारित या:गु दु । पहिचानया मुदाय् थ्व छगू नं उपलब्धी ख: ।” थुकियात कया: नेवा: न्हयलुवातय्सं नं बांला:गु दस्ताबेज ख: धका: पहिचानया खँय समर्थन या:गु डा. सैजुया धापू दु ।

पार्टीया संस्थापक नाय: डा. केशवमान शाक्यलिसें पार्टीया सक्रिय पदाधिकारीपुं पुलांमह प्रधानमन्त्री डा. बाबुराम भट्टराई संयोजक जुयादीगु ‘नयाँ शक्ति नेपाल’य् दुहांवनेवं पार्टीदुने त:धंगु संकट फय्मा:गु ख:सा व्यवस्थापिका संसदय् पार्टीया छम्ह जक सांसद लक्ष्मण राजवंशीयात पार्टी नीति अ:ख: ज्याखँ या:गुलिं पार्टीपाखें पितिनेमा:गु अवस्थां नेपा: राष्ट्रिय पार्टी आ: छु जुइगु ख: धइगु जनमानसय् यक्व हे च्यूता:या विषय जुयाब्युगु ख: । थजा:गु इलय् पार्टीयात न्हय:ने यंकते पार्टीया नेता व कार्यकर्तातयगु त:धंगु त्याग व हिम्मतया आवश्यकता दुगुनं पार्टी नाय: डा. सैजु धयादी ।

त्यं ७ पेजय

पार्टीया भावी ज्याइव:त



पार्टीया मू आधार धयागु हे संगठन ख: । उकिं पार्टीया महाधिवेशन क्व:चाय्का पार्टीया दकलय् न्हापांगु ज्या धयागु संगठन बल्लाकेगु जुइ । थुकि दकलय् न्हापा संगठनया जग तया: यें राजधानी महानगर समिति गठन याना: फुक्क ३२ वडाय् कृयाशील समितित दय्केगु ज्या जुइ । थुकियात स्वनिग:ब्यापी याना: लिपा स्वनिगलं पिहां वनेगु कथं ज्या न्ह्याकेगु जुइ । पार्टीया ज्याकु नियमित चाय्का: सेक्रेटारियट मुँज्या वालय् छक्व: च्वनेगु जुइ । त्यं ७ पेजय

नयाँ शक्तिइ व:गु संकट

यें । माओवादी पार्टीया अध्यक्ष प्रचण्डलिसे असहमति प्वंका: न्ह्युगु कथं वनेगु योजना सहित पिहां वयादीमह डा. बाबुराम भट्टराईया नेतृत्वय् दय्कगु नयाँ शक्तिइ त:धंगु समस्या व:गु दु । उगु पार्टीया प्रभावशाली नेतात देवेन्द्र पौडेल, खिमलाल देवकोटानिसें रामचन्द्र भ्ना लगायतया नेतातनिसें मुक्ति प्रधानं तक असहमति प्वंका पार्टीपाखें ब्यागलं च्वनेगु खँ सार्वजनिक यानादीगु दु । गुलिं गुलिं नेतात ला आ: माओवादी केन्द्रय् हे वनेगु तयारी नं या:गु दु ।



न्हापा माओवादी पार्टी त्व:ता डा. बाबुराम भट्टराई नापनाप वयादीपिं नेतातय्सं हे दकले अप्व: असहमति प्वंका: पार्टी त्व:तेगुनिसें मेमेगु पार्टीइ वनेगु निति कुत: यानाचवंगु खँ सीदु । उकिं पार्टीया कजि डा. भट्टराई नं देवेन्द्र पौडेल, मुक्ति प्रधान लगायत भिन्त्यामह नेतातयत स्पष्टिकरण कायगु निति विज्ञापित तक पिथंगु दु ।

नयाँ शक्तिया मूल विषय आर्थिक समृद्धि धा:सां मूल रुपं सुयागु ख: धइगु खँ अस्पष्ट जूगु, पहिचानया आधारय् प्रदेश निर्माणया सवालय् संघीय समाजवादी पार्टीलिसे वार्ता याना एकता जुइथें च्वंका: डा. बाबुराम भट्टराई नं असहमति कयनादीगु,

माओवादीया अध्यक्ष प्रचण्डलिसे गोप्य रुपं सहलह ब्याके धुंका: केन्द्रीय परिषद् विघटन या:गु डा. बाबुराम भट्टराई नं मूल मूल जिम्मेवारी राजनीतिक अनुभव मया:पिन्त बियादीगु, स्थानीय तहया चुनावय् त्याके मफुगु लगायतया कारणं हे पार्टी दुने समस्या व:गु ख: धका: छम्ह नेता धयादीगु दु ।

नयाँ शक्तिया यक्व हे नेवा: नेता व कार्यकर्तातय्सं मूल रुपं संघीय समाजवादी फोरमलिसे एकता याना पहिचानया मुदा ज्वना वनीगु अवस्थाय् बांलाइ धका: ताय्कगु ख:सा आ: वया निगू पार्टीया एकता मजुइगु अवस्थाय् थ्यनेवं इमित समस्या जूगु दु ।

त्यं ७ पेजय

Himalayan Ice

ताव्व:या पासा
कुल्फी
भपिया दिसँ ।

दो, दुरु, द्यः, बठर व
क्रिम बजारय उपलब्ध दु

नेपा:या महानगरपालिका, उप-महानगरपालिका, नगरपालिका, गाउँपालिकाय् छिट्छिट्ठय् कायम इन्चुकापिल
“डो-प्रोडिज” व सगलया सुविधानाप उपलब्ध याय्गु जुइ ।

सुर्यविनायक नगरपालिका, वडा नं. १, सिरुटार धन्सार, ख्वप
९८४१३५३७५१, ९८१३३४९०१५, ९८०८६०८७२५

गुणस्तरीय व आकर्षण

डिजाइनया लुँ वह:या
तिसाज्वलं दयेकादीमा:सा वा
तयारी हे न्यानादीमा:सा
जिमित लुमंकादिसँ ।

बिनोद शाक्य (९८५१०५३१६८)

पञ्च रत्न

रञ्जना गल्ली, न्यूरोड, चैं
फोन: ८२५५०७७, ८२७१२२९ (छैं)

सम्पादकीय



विपद्या इलय् छधी जुइ

थौकन्हय् वा वयाच्वंगु हुनि भीगु देशया तराईया अप्वः धइथे ब्व डुबानय् लानाच्वंगु दु। नेपाःया थ्यमथ्यं तराईया पूर्वनिसें पश्चिमतकया फुक्क गां शहर धइथे डुबानय् लाःगु स्थितिं अनया जनजीवन कष्टकर जुयाच्वंगु दु। उल्लिखित मखु, आपालं मनूत सीधुंकूगु अवस्था दुसा द्वलंद्वः छैखात डुबानय् लानाच्वंगु दु, कृषि यानातःगु बूँइ नं तःधंगु क्षति जुइधुंकूगु दु। थ्व देशया नितीं तःधंगु जनधनया क्षति खः। थजाःगु प्राकृतिक प्रकोपं यानाः भी नेपाःमितयगु जनजीवन हे अष्टव्यस्त यानाब्यूगु दु। तर थ्व धाःसा न्हापांगु घटना मखु।

थजाःगु घटना दैयदसं धइथे जुयाच्वंगु दु। वंगु लच्छि न्हयः जक सप्तरीइ खुसिबाः वयाः अनया गां हे डुबानय् लाःगु खः। तर आः धाःसा सप्तरी जक मखु, पूर्वया मेची निसें पश्चिमया कैलाली तक डुबानय् लानाच्वंगु दु। ताँ चुइका यंकीगु अवस्थाय् लानाच्वंगु दुसा, खुसिबालं लै स्पंकाब्यूगुलिं सवारी साधन आवतजावत यायगु नितीं हे समस्या जुयाच्वंगु दु।

खुसिबालं यानाः मनूत नय् त्वनेगु समस्यालिसें मत, सञ्चार तक विच्छेद जुयाच्वंगु दु। थुकियानाः अनयागु अवस्था छु खः वा छु जुयाच्वन धइगु तक यकिन तथ्यांक काय्फूगु अवस्था मदु। अथेहे अन च्वपिं विशेषयानाः मस्त, बुराबुरीपिनिगु अवस्था गथे जुयाच्वंगु दु, व नं थथे हे धाय्फूगु अवस्था मदिन।

थ्व प्राकृतिक विपदाखे नेपाःमित आहत जुयाच्वंगु इलय् थुकियात कयाः भी फुक्क छधी छपे जुयाः ग्वाहालि याय्माःगु ई वःगु दु। थुकिया नितीं दक्कलय् न्हापां एनआरएनया नायः शेष घले छगू करोड तकाया राहत कोष स्थापना याय्गु घोषणा यानादीगु दु। अथेहे थीथी संघसंस्थां नं ग्वाहालि याय्गु नापं अन च्वपिं मनूतयगु स्वास्थ्य स्थितियात कयाः नं च्यूताः प्वकूसें सरकारी लिसें गैरसरकारी संस्था नं न्हयचिलाच्वंगु दु। आःया अवस्थाय् सुनां छु याय्फु, उकियात बिचाः यानाः तत्काल हे कार्यान्वयन याय्माः।

खय्तला थुकथंया विपद् दैयदसं वयाच्वनीगु जूगुलिं थुकियात कयाः सरकारं विशेष ध्यान बिचाः ज्या न्ह्याकेमाःगु खः। जःलाखःला देय् भारतया हुनि नं भीगु देशया भूभाग न्ह्याबले डुबानय् लानाच्वनीगु खः। भारतं सीमा लिकक दक्कीगु बाँधं, तःजाय्क लै दक्कीगु कारणं नं थजाःगु अवस्था वइगु खःसा थुकियात कयाः नेपालं भारतलिसे गबले खल्लाबल्ला याःगु मदुसा भारतं नं मिचाहा पहः पिकयाः थःगु ज्या यानातुं च्वंगु दु। थुकियानाः नेपालं दैयदसं थजाःगु समस्या फय्मालाच्वंगु दु।

अथेहे नेपाःया खुसियात नं वर्षा न्हयः हे व्यवस्थित यानाः गथेकि खुसि सिथय् बाँध दयेकेगु आदि याय्गु ज्या जूगु खःसा थुलिमछि क्षति जुइमखु जुइ। थुकियात कयाः सरकारं इलय् हे ध्यान बिल धाःसा मेमेगु दैय् थजाःगु समस्यायात न्यूनीकरण याना यंकेफइ। अथेखःसां आःया इलय् धइगु विपद् लानाच्वपिं भी नेपाःमिपिन्त ग्वाहालि याय्गु हे भीगु दायित्व खः।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ। छिकपिंसं छ्वयादीगुयात थुगु वाःपतिइ थाय् बियाच्वना। पिदंगु च्वसुयात उचित पारिश्रमिक बीगु नं सुचं बियाच्वना।

लहना वाःपौ

भोछेँ, यँ

lahana.news@gmail.com

स्वनिगःया अस्तव्यस्तता व नेवाःतय् दुधाः



सानुराजा शाक्य

स्वनिगलय् सरकारं यानाच्वंगु लै विस्तारं थःपिं घरवारविहीन जुइगु, लै विस्तारया स्पष्ट मापदण्ड मदुगु अले न्यायोचित क्षतिपूर्ति बिना हे सतक विस्तारया कारणं थःपिन्त अन्याय जूगु खँयात कयाः सतक विस्तार पीडित संघर्ष समितिं सरकारया विरुद्ध अदालतय् तयातःगु मुद्दाया निर्णय याकनं वयाः थःपिन्त न्याय जुइगु आशय पीडित जनतात पियाच्वंगु दु।

भूमिसुधार मन्त्री नं आः कृषियोग्य जमीनयात प्लटिड यानाः घडेरी विकास याय् मदइगु निर्णय जूयात महत्व बिचाः सञ्चार माध्यमय् समाचार सम्प्रेषण जूगु दु। थ्व हे समाचारया लिधंसाय् छथः नेपालभाषा न्हयलुवातय्सं सही निर्णय जूगु प्रतिक्रिया रुपय् सामाजिक सञ्जालय् शेयर यानाच्वंगु नं खनेदु। छगू इलय् नेवाः राज्यया माग यानाच्वपिं कार्यकर्ता व न्हयलुवातय् हे अनुवाइलय् आउटर रिंगरोडया विस्तारयात पनेत सफल नं जुल। न्हापांगु संविधानसभाया चुनाव धुंकाः नेवाः राज्यया मागय् तःधंगु समर्थन खनेदयाच्वंगु इलय् नेवाः राज्य परिषद् या नाम चोभारनिसें सतुंगलय्तक दय्केत्यंगु आउटर रिंगरोडया निर्माणकर्ता उपत्यका विकास प्राधिकरणयात दबाब बिचाः प्रारम्भिक ज्याय् हे पंगः थनाब्यूगु खः।

आउटर रिंगरोडया कन्सेप्टया विकास जूगु इलय् तक आउटर रिंगरोडया लागू धइगु कृषि भूमिया रुपय् हे ल्यनाच्वंगु खः। आउटर रिंगरोडया विरोधनिसें थौकन्हय् वयाः आउटर रिंगरोडया ज्या शुरु जुइगु इलय् तक थ्वबलय् प्रस्तावित आउटर रिंगरोडया जवखव च्वंगु बुँ फुक्क घडेरीया रुपय् विकास जुइधुंकल। गुलि जग्गा न्याय्-मी जुयाः जग्गाधनीया रुपय् न्हूपिं हे जग्गाधनीत थ्यनेधुंकल। आउटर रिंगरोडया निर्माण ज्या पनेत सफलजूपिं नेवाः राज्य परिषदया नेवाःतय् हैसियत नं निर्माण पने मफइगु अवस्थाय् थ्यने धुंकल। आउटर रिंगरोडया ज्या शुरु जुइगु खवर न्येनेव व लागाय् जग्गाया कारोवार चम्के जुयाः जग्गाया भाः थाहांवेनेगु क्रम द्युगु मदिन। आउटर रिंगरोडया विकास रिंगरोड जक दक्कीगु मखेसे रिंगरोडया जवखव ५०० मिटर तकया जग्गायात एकीकृत जग्गा विकास नं याय्गु प्रस्तावं थ्व लागाय् जग्गाया कारोवार उच्च जूगु खः। सरकारं थनया आन्तरिक बसाइ-सराइयात अफ आकर्षण यानाः विकास याय् स्वनिगःया प्यंगू कुनाय् स्याटेलाइट सिटी दयेकेगु प्रस्ताव हःगु दु। थ्व प्रस्तावयात कयाः नं नेवाः न्हयलुवाःतय्सं असन्तुष्टि व्यक्त याःगु खनेदु। तर स्वनिगःया शहर विस्तारयात कयाः भीसं क्यनेगु असन्तुष्टतां जक थनया आन्तरिक आप्रवासन पने मफइगु खनी धइगु सी हे दय्धुंकल। उकिं विरोध यानाः जक नं समस्या मज्जनीगु खँयात वाःचाय्काः अव्यवस्थित शहरीकरणयात मखु, व्यवस्थित शहरीकरणया पक्षय् सः तय्गु रणनीति हिलेमाःगु खनेदत।

स्वनिगलय् देय्कय्कया नेपाःमित थन हे छै दनाच्वनेगु क्रम सन् ६० या दशकनिसें शुरु जुया ०३६ सालया राजनीतिक ह्यूपाः लिपा गति काःगु आन्तरिक आप्रवासन ०४६ साल धुंकाः तीव्र विकास जूगु खः। थ्व कारणं स्वनिगःया

नेवाःत अल्पमतय् लाःगु व लिचवः स्वरुप थन नेवाःतय् भाषा, संस्कृति पहिचानय् संकट ब्वलंगुया कारणया रुपय् आन्तरिक आप्रवासनया विरोध छथः नेवाः न्हयलुवापाखें जुयाच्वंगु खः। नेवाःतय्गु मिखां जक मखु कि स्वनिगलय् स्थायी छै दनाः वसोवास याय्धुंकीपिं जनताया मिखाय् नं स्वनिगःया अव्यवस्थित शहरीकरण व आन्तरिक आप्रवासनया कारण हे थनया लै, ट्रान्जिट व वातावरण स्यानावःगु खः धइगुली फुक्कसिया छगू हे राय खनेदु। थुकी शंका मन्त कि थौकन्हय् स्वनिगःया हालत स्यानावंगुया कारण थन वृद्धि जुयाच्वंगु आन्तरिक बसाइ-सराइ नं ब्वलंकूगु अव्यवस्थित शहरीकरण हे खः।

शहरीकरणया दथुइ लै विस्तार योजनाबद्धकथं याय्गु सरकारया दायित्व नं खः। तर मुकथं गथे यानाः याय्गु धइगु सवाल स्थानीय जनताया अभिमतयात नं ध्यान तय्माः। नेवाःतय् पुलांगु बस्ति वनाच्वंगु मू लै विस्तार याय्गु खःसा अजाःगु बस्ति मू लै मयंकूसे बाइपास दय् का यंकेमाः। गथे कि यलया सुनाकोथि, वादेय्, थेच्व जुयाः मल्लकालीनिसें वनाच्वंगु लँयात तःबाला यानाः सतक विस्तार याय्गु नेपाःया

नेपाःया मेमेगु गां बजाःत तुलनात्मक रुपं विकास जुइमफयाच्वंगु अवस्थाय् नेपाःया यक्व जनतात स्वनिगलय् हे च्वनेत स्वइगु स्वभाविक खः। थुकियात नेवाःतय्सं थःगु भाग लाका काःवल धकाः निराश जुइगु स्वयां पिने वःपिं स्वयां थनया रैथाने नेवाःत आर्थिक, शैक्षिक व क्षमताया ल्याखं नं विशेष जुयाच्वनेगु लँपु मत्वःतेगु हे बुद्धिमानी जुइ।

सतक विस्तारया योजनाविदतय् अल्पज्ञान खः। अजाःगु थाय्था लै तबाला याय्गु योजना संसारय् गन नं थासय् जुइमखु। अजाःगु थाय्था संरक्षण जुइकथं बरु अजाःगु थाय्थात हानी-नोक्सानी मजुइकथं बस्ति पिने तबालाःगु लै दय्केगु जक उपयुक्त खः। तर भीथाय् मल्लकालीनिसें हे दुगु छै पुलांगु लँयात तःबाला याय्गु, मापदण्डया नामय् जवर्जस्ती छै थुनेत राज्य स्वयाच्वन। थुकिया विरोध याय् हे माः। लै विस्तार जुइ हे मज्जु धइगु मखु, तर लै विस्तार जक समाधान मखु। थुकिया थासय् न्हू न्हू लँ चाय्केगु, गन जनताया छैय् कम जक थुंसा गाइ, अजाःगु कथं धकाः योजना दय्केगु “इन्जिनियरिङ्ग प्वाइन्ट अफ भ्यू”कथं पाय्छि खः।

स्वनिगःया दुने फुक्क धइथे थाय् त थौकन्हय् नागरपालिका जुइधुंकल। अव्यवस्थित शहरीकरणया मारं स्वनिगःयात नर्क दय्केगु क्रमय् दु। कृषियोग्य भूमि संकुचित जुजु वनाच्वंगु दु। स्वनिगलय् नेपाःया पिने जिल्लाया बासिन्दातय्गु आप्रवासनया आकर्षक थाय् जुइगु क्रम भविष्य नं यथावत हे जुइगु संकेत दु। थुकियात पनेफइगु अवस्था नं मदु। स्वनिगः नेपाःया हे राजधानी जक जुयाः मखु कि लजगाः, शिक्षा, स्वास्थ्य, मनोरञ्जन, अवसर, विदेश वनेत वय्माःगु “ट्रान्जिट प्वाइन्ट” जूगुलिं थ्व स्वनिगलय् आन्तरिक आप्रवासन अप्वया वनाच्वंगु दु। स्वनिगःदुनेया फुक्क हे नगर छगू हे धिक्का जुयाः बस्ति विकास जुइगु क्रमय् दु। थुकथंया बस्ति व घडेरीया विकास नेवाःतय् बस्ति पुलावनाः खँय् बस्ति अप्वः दुगु कौट एरियाय् तक घडेरी विकास

जुयावनाच्वंगु दु। थुकथं विकास जुयाच्वंगु शहरीकरणयात इलय् हे योजनाबद्ध रुपं विकासया नितीं आउटर रिंगरोड व प्यंगू कुनाय् स्याटेलाइट सिटीया योजनां जक मगाःगु अवस्थाय् दु। थुकथंया योजनायात विरोध यानाः योजनाया अवरुद्धता अव्यवस्थित शहरीकरणयात जक तिबः जुइगु खाय्गु अनुभव शिक्षा कयाः न्ह्याःवनेमाःगु अवस्था दु।

स्वनिगःयात एकीकृत विकासया नितीं स्वनिगःया विकासया संयोजन याय्फइगु शक्तिशाली निकायया आवश्यकता दु। थ्व धइगु संघीय नेपाःया ३ नं. प्रदेश अन्तर्गत स्वनिगःयात जक दुध्याकाः उप-प्रदेश स्तरीय निकायया आवश्यकता दु। थ्व छगूकथं छगू इलय् नेपाः पार्टी हःगु राज्य पुनःसंरचनाया अवधारणानाप ज्वःलाः। थजाःगु निकायया विकास याय्फत धाःसा नेवाःतय् पहिचानया माग नं सम्बोधन जुइफइगु व थनया विकास व समृद्धियात नं संयोजन यानाः ज्या याय्फइ। थजाःगु निकायया माग छगू इलय् स्वनिगःया निर्वाचित सांसदतय्सं नं माग याःगु खः।

सरकारं स्वनिगया प्यंगू कुनाय् डेढ लाख रोपनीजग्गायात स्मार्ट सिटीया घोषणा यानाः किताकाटया ज्यात स्थगित यानातःगु दु। थुकथंया शहर विकासयात कयाः अफ अप्वः आप्रवासन हइगु योजना धकाः विरोध नं जूगु दु। तर जिं स्वय् बलय् थुकथंया विरोधयात नं भीसं पुनःविचार याय् माःगु खनेदु। थनया शहर बस्ति विकासया नितीं मेगु सन्निधैतकयात बिचाः यानाः योजना दय्के मफुत धाःसा स्वनिगः अफ अव्यवस्थित शहरया रुपय् विकास जुइ। थ्व धइगु थनया वासिन्दात फुक्क नेवाःलिसें फुक्कसित अफ अप्वः समस्याया सामना याय् बाध्य जुइगु खः। वंगु न्यय्दंयादुने स्वनिगःया योजनाबद्ध विकासया गुर्योजना मदुगु कारणं गुरु समस्या थौकन्हय् फय्मालाच्वंगु दु। उकियात ध्यानय् तयाः स्वनिगःया विकासया गुर्योजना दय्के मफुत धाःसा मेगु भद्रगोल शहरया रुपय् भी हे धन च्वनाः म्वानाच्वने माली।

हाकन राजधानी जूगु कारणं देय्था मू व्यापारिक, आर्थिक, सामाजिक, शिक्षा, स्वास्थ्यया केन्द्र जूगु कारणं देय्कय्कया मनूत स्वनिगलय् च्वनेत वइगु स्वभाविक खः। थुकियात नेवाःतय्सं सहजरुपं कयाः स्वनिगःयात च्वनेज्यूगु व्यवस्थित शहरकथं विकास याय्माः धकाः माग याय्माः। आउटर रिंगरोड, न्हूगु सिटी दय्केगु योजना जक मखु कि स्वनिगःयात हे कःधानाः गुर्योजनालिसें शहर विकास याय्गु ज्या लिबाय् धुंकल। आः नेवाःतय्सं थ्व भीगु भूमि खः धकाः थन बुँज्याना हे नय्माः धकाः बिचाः यानाः शहरी विकासया योजनायात विरोध याय्गु “थःगु तुती थःम्ह हे पां पाले”थे जुजु। बरु फय्फतलय् जग्गा ममीगु, मी हे माःसा संयोजनत लागू जुइधुंकाः मीगु, गबलय् उगु जग्गाया भाः यक्व वयाः उकिंया ध्यबां भीसं मेगु लगानी याय्फइगु अवस्था ब्वलनी। संसारय् राजधानी, व्यापारिक, आर्थिक केन्द्रय् देय्कय्कया मनूतय्सं थःगु नं छै दय्माः धकाः च्वं वइगु स्वभाविक खः। तीस बर्ष न्हयःया दिल्ली, ढाका, बैककलिसेया संसारया राजधानी शहरया जनसंख्या व शहरीकरण विस्तार जूथे स्वनिगःजक अपवादया रुपय् च्वने फइमखु। अफ नेपाःया मेमेगु गां बजाःत तुलनात्मक रुपं विकास जुइमफयाच्वंगु अवस्थाय् नेपाःया यक्व जनतात स्वनिगलय् हे च्वनेत स्वइगु स्वभाविक खः। थुकियात नेवाःतय्सं थःगु भाग लाका काःवल धकाः निराश जुइगु स्वयां पिने वःपिं स्वयां थनया रैथाने नेवाःत आर्थिक, शैक्षिक व क्षमताया ल्याखं नं विशेष जुयाच्वनेगु लँपु मत्वःतेगु हे बुद्धिमानी जुइ।



नेपा: राष्ट्रिय पार्टी

पहिचानलिसें संधीयताया मुद्दायात न्हय:ने यंकेगु तातुनां वि.सं. २०६४ सालय् नीस्वंगु नेपा: राष्ट्रिय पार्टीया गुंलागा: पञ्चमिकुन्हु, सासा ब्यान्क्वेट टेकुइ जगु निक्क:गु त:मुंज्यापाखें डा. विजयप्रकाश सैजुया अध्यक्षताय् ४१ म्हेसिगु कार्यसमिति दय्कूगु दु। लिपा १०म्ह दुज: मनोनित याना: मुक्कं न्यय्छ्म दय्कीगु उगु कार्यसमितिइ दुथ्यापिनिगु नां धल: थुकथं दु।

नाय: : डा. विजयप्रकाश सैजु
वरिष्ठ नेता : सुवर्णकेशरी चित्रकार
न्वक्: गंगा श्रेष्ठ
मूल्याञ्ज: कृष्णहरि महर्जन
छ्याञ्ज: कस्तुरी श्रेष्ठ
ल्यू छ्याञ्ज: महेशमान डंगोल 'लैजुवा'





या निव्वःगु तःमुँज्या

दांभरि : उत्तमलाल जोशी

ल्यू दांभरि : नारद बज्जाचार्य

दुजःपिं : उत्पला तुलाधर, केदारप्रसाद जोशी, प्रकाश जोशी, यज्ञप्रसाद श्रेष्ठ, शरद कसाः, गंगा बहादुर जोशी, रमेशरत्न स्थापित, रबिन साय्मि, बिष्णु प्रसाद श्रेष्ठ, रत्नबहादुर बज्जाचार्य, शान्तप्रकाश श्रेष्ठ, बिष्णुभक्त गोपाली, रिजु श्रेष्ठ, भरत साय्मि,

भुषणप्रसाद श्रेष्ठ, महेशमान डंगोल, पवित्र कसाः, सुरेशकिरण, अनिल सिं सुवाल, जियम श्रेष्ठ, पुष्पहिरा तुलाधर, मदन तण्डुकार, पुष्परत्न तुलाधर, शिला साय्मि, शिवराम अमात्य, सुन्तलाकाजी श्रेष्ठ, रामभोला महर्जन, डा. रमेशकुमार श्रेष्ठ, हरिशंकर रंजित, मंगला कारजित, लक्ष्मीबहादुर सैजु, सुरेन्द्र नापित, केदार चित्रकार, पुर्णरत्न बज्जाचार्य





हिट हिरोइन फ्लाप प्रोड्युसर

विजयचरन असंबरे

संकिपाय् म्हितीपिं स्टारत लिपा वना: प्रोड्युसर जुइ। डाइरेक्टर जुइ। नेपालय् डाइरेक्टर जीपिं एक्टरत ला हिट जीपिं दु। नीर शाह, अशोक शर्मानिसें कया: रेखा थापातकया दसू स्वयंयुगु खः सा आपालं एक्टरत डाइरेक्टर जूबलय् नं हिट हे जुल। तर प्रोड्युसर जूबलय् धा:सा फ्लाप जीपिं आपालं दु। दसूया निरित रेखा थापा व भुवन के.सी. थेंजा:पिं छम्ह निम्ह त्वःता: आपालं एक्टरत प्रोड्युसर जूबलय् हिट मज्गु दसू यक्व दु। शिव श्रेष्ठ थेंजा:म्ह हिरो तर्क छक्व: प्रोड्युसरया रुपय् न्ह्यःने वय्गु कुतः या:बलय् ता:लाय् मफुत।

“चिनो” संकिपा तसर्क लोकं ह्वात। थ्वहे संकिपाया निर्मातात जाना दय्कू “राँको” संकिपाय् शिव श्रेष्ठ नं लाय् तया: प्रोड्युसर जुइगु कुतः यात। नेपा:या दक्कलय् न्हापांगु सिनेमास्कोप संकिपाकथं पिदंगु “राँको” धा:सा फ्लाप जुल। “राँको” पिदने न्ह्यःतक थ्व संकिपां तसर्क बांलाक्क बनेज्या याइ धका: अनुमान यानातःगु खः। अले शिव श्रेष्ठ नं थ्व “राँको” धुंका: “धुन” नांयागु संकिपा दय्केगु तयारी यानाच्चंगु खः। तर “राँको” फ्लाप जुल। शिव श्रेष्ठया प्रोड्युसर जुइगु ईच्छा नं फ्लाप जुल। विशेष याना: थन नेपा:या खस संकिपा लागाय् हिट हिरोइनत फिल्म प्रोड्युसर जुइगु लैपुइ न्ह्या: वनाच्चपिन्सं दय्कू संकिपा धा:सा हिट जुइ फ्याच्चंगु मदु। थुकिया दक्कलय् न्ह्यु दसूकथं रिचा

शर्माया “आधा लभ”यात काय्मा:। मतिनाया बिस्कं सवा: दुगु थ्व संकिपाया तारीफ धा:सा गाक्क जुल, तर बनेज्याय् ल्यूने हे लात। अथेहेतुं नम्रता श्रेष्ठया “सोल सिस्टर”या हविगत नं रिचाया स्वयां मपा:। खय्तला थ्व लो बजेटया संकिपा खः। बजेट म्हो धा:सां स्वीगू पीगू लखति खर्च जू हे जुल जुइ। तर थ्व संकिपां मुक्कं न्यागू लख तका नं कमे याय् मफुत।

प्रोड्युसरया रुपय् थःगु डेब्यु संकिपा हे फ्लाप जूबलय् नम्रता श्रेष्ठया आ: मेगु पला: छु जुइगु खः धइगु खँय् न्ह्यस: चिं दंगु दु। तर “सोल सिस्टर”या लिच्च: खना: नम्रता मय्जुया पला: लिचिलीगु जक मखुला धइगु न्ह्यस: नं ब्वलनावःगु दु। प्रोड्युसर जीपिं हिरोइनतय्गु यात्रा स्वयंयुगु खःसा प्रोड्युसरया रुपय् करिश्मा मानन्धरया डेब्यु संकिपा “दुकहुकी” हिट हे जुल। तर वयां लिपा दय्कू “बाबु साहेब” धा:सा बांमलाक्क हे फ्लाप जुल। थ्वहे संकिपा फ्लाप जग्गु हुनि हे करिश्मा मय्जु अमेरिका हे च्वनेमा:गु अवस्था वल। करिश्मा मानन्धर हाकनं छक्व: प्रोड्युसरया रुपय् न्ह्यःने वय्गु कुतः याना: “फागु” दय् कल। तर नं फ्लाप हे जुल।

संकिपा दय्का बांमलाक्क घापं च्वनेमा:पिं हिरोइनत मध्ये रेजिना उप्रेती, ऋचा घिमिरे, रिचा शर्मा, जेनी कुंवराया नां न्ह्यःने ला वइ। ऋचा घिमिरे थः जहान शंकर घिमिरेलिसे जाना “तुलसी” नांयागु छगू संकिपा दय्कल। संकिपाय् लाय् तय्क दां मगाना: उखेंथुखें त्यासा नं काल। नेपालय् संकिपा चले याय्गु लकस

मखना: विदेशय् वीपिं घिमिरे तिपू अन हे च्वना छ्वल। लिहां हे मवः।

“लुट” व “फर्स्ट लभ” संकिपाया लुखां नेपा:या संकिपाख्यलय् पला: न्ह्याकूम्ह रिचा शर्मा नांयाम्ह छम्ह हिरोइनयात नं अथेहे जुल। रिचा शर्मा उगु इलय् थः ब्वाइफ्रेण्ड विनय श्रेष्ठलिसे जाना: नेपा:या नांजा:गु कर्पोरेट हाउस चौधरी ग्रुपया सिजि इन्टरटेन्मेण्ट नांयागु कम्पनीलिसे मंका: लगानी याना: “भिसा गर्ल” नांयागु छगू संकिपा दय्कल। संकिपा बांमलाक्क फ्लाप जुल। वयांलिपा थुगुसी “आधा लभ” दय्कल। लिच्च: उलि ता:लाय् मफुत।

पुलांम्ह हिरोइन भरना थापाया जहान सुनिल कुमार थापा छम्ह नांजा:म्ह संकिपा प्रोड्युसर खः। वं दय्कूगु तकदीर, गोर्खाली, ए मेरो हजुर थेंजा:गु संकिपा हिट जुल। हिट निर्माता सुनिल कुमार थापां थःगु छगू संकिपा “फेसबुक”या प्रोड्युसरकथं थः तिरिमय्जु भरना थापाया नां न्ह्यःने तल। छगू संजोग हे धाय्माली कि हिरोइनया नां प्रोड्युसरया रुपय् न्ह्यःने वःगु “फेसबुक” धा:सा फ्लाप जुल।

भरना थापाया हे किजाभतया कला: शुभेच्छा थापा नं कलिउडया छम्ह हिरोइन खः। खय्तला थ्व शुभेच्छा थापा धइम्ह हिट हिरोइन ला मखु। छगू “बोक्सी” धा:गु संकिपाय् अभिनय याना: बांला:म्ह प्याखंम्व: धका: सिरपा: धा:सा त्याकेत ता:ला:म्ह खः। तर हिरोइनया रुपय् उलि डिमाण्ड दुम्ह धा:सा मखु। थः

आ: नं प्रोड्युसरया रुपय् थःगु पला: न्ह्याकाच्चपिं हिरोइन म्हो मज्गुनि। निशा अधिकारी दय्कू “इयानाकुटी” याकनं रिलिज जुइत्यंगु दुसा थुकी दक्कलय् न्ह्यु पला:कथं श्वेता खड्काया “कान्छी” व आशिष्मा नकःमिया “लाखे भाजु” नांया संकिपाया शुटिङ्ग मेगु वालं न्ह्याइगु खँ दु।

रोइन जुइगु लोभं संकिपा प्रोड्युसर जुयाच्चम्ह भेच्छा थापां दय्कू “द मिस नेपाल” बांमलाक्क प जग्गु संकिपा खः। नेपालभाषाया संकिपाख्यलय् जा:म्ह डाइरेक्टर सुरेन्द्र तुलाधरया कलिउडय् डेब्यु ...गु थ्व संकिपा फ्लाप जुइधुंका: शुभेच्छा मय्जुं राजु गिरी नांयाम्ह डाइरेक्टरलिसे “टाइगर - द रियल हिरो” दय्कल। थ्व नं फ्लाप हे जुल। आ: सिएनएन हिरो चरिमायाया जीवनीइ “मखमली” दय्काच्चना धका: बय्बय् यानाजुम्ह शुभेच्छा थापाया थ्व संकिपा थौकन्हय् थीथी खँय् विवादय् लानाच्चंगु दु।

रेजिना उप्रेतीयात नं अथे जुल। रेजिना उप्रेती व संकिपा निर्देशक शोभित बस्नेत दथुइ छगू इलय् क्वातूगु स्वापू दयाच्चंगु खः। उगु इलय् रेजिनाया कुतलं हे शोभितया छगू निगू संकिपाय् लाय् तइपिं नं वल। शोभितया निरित जक फाइनेन्सर मालेगु यानाच्चम्ह रेजिना थः हे प्रोड्युसर जुइगु मति तल। थन काठमाण्डौ प्लाजाय् ग्यालेक्सी चले यानाच्चम्ह कविता श्रेष्ठ मय्जुलिसे जाना “बरदान” नांयागु छगू संकिपा दय् कल। आ: धयाच्चनेमालि मखु कि थ्व संकिपा नं फ्लाप हे जुल। थ्व संकिपा फ्लाप जुइवं रेजिना व कविता दथुइ ला ध्येबायात कया: कचवं जग्गु हे जुल। नापनापं शोभित बस्नेत व रेजिना उप्रेती दथुइ नं बाय्भू वल। आ: रेजिना छम्ह एनआरएनलिसे इहिपा: याना: संकिपाख्यलं हे तापाना वनेधुंकल।

पुलांम्ह हिरोइन मौसमी मल्लं प्रोड्युसरया रुपय् डेब्यु या:गु “गिरफ्तार” हिट संकिपा खः। तर वस्वयां लिपा मौसमी थः काय् विक्की मल्लयात हिरोया रुपय् डेब्यु याय् कथं दय्कू “समय” नांयागु संकिपा थुलि बांमलाक्क फ्लाप जुल कि मौसमी मय्जुं थ्व संकिपा दय्केत धका: का:गु त्यासा पुले मफया: सुलासुला जुइमाल। थौकन्हय् प्वा:या त्वचं कया: सुलं च्वनाच्चम्ह मौसमी मल्लं आ: गबलें संकिपा दय्के मखुत धका: निर्णय काय् धुंकल। भुवन के.सी.या पुलांम्ह कला: सुभिता के.सी. दय्कू “म तिम्रै हूँ” नं फ्लाप हे जुल। थुकथं स्वयंवल्य् मौसमी मल्ल, करिश्मा मानन्धर थेंजा:पिं पुलांपिनिसें कया: रिचा शर्मा व नम्रता श्रेष्ठ थेंजा:पिं न्हूपिं हिरोइनतय्सं दय्कू संकिपा हिट जुइ मफुबलय् मेपिं हिरोइनत आ: काचाक्क प्रोड्युसर जुइत ग्याइ ला धइथें च्वं, तर अथे मज्गु। आ: नं प्रोड्युसरया रुपय् थःगु पला: न्ह्याकाच्चपिं हिरोइन म्हो मज्गुनि। निशा अधिकारी दय्कू “इयानाकुटी” याकनं रिलिज जुइत्यंगु दुसा थुकी दक्कलय् न्ह्यु पला:कथं श्वेता खड्काया “कान्छी” व आशिष्मा नकःमिया “लाखे भाजु” नांया संकिपाया शुटिङ्ग मेगु वालं न्ह्याइगु खँ दु।

लागू पदार्थ सेवन, गयो अमूल्य जीवन। हाम्रो चाहना, लागू पदार्थ रहित समाजको सिर्जना। असल साथीले लागू औषध खान आग्रह गर्दैन।

लागू पदार्थ सेवन, वन अमूल्य जीवन। भीगु चाहना, लागू पदार्थ रहित समाजया सिर्जना। भिंम्ह पासां लागू औषध छ्यलेत इनाप याइमखु।



नेपाल सरकार
सूचना तथा सञ्चार मन्त्रालय
सूचना विभाग



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरिङ्ग पनि गरिन्छ।

सक्वय् ऐतिहासिक वमन प्याखं



यैं । नेपाःया सक्व देसय् जक न्ह्याइगु वमन प्याखं कृष्णाष्टमीया छ्हु-न्ह्यः क्वचाःगु दु । थ्व प्याखं शुक्रवाःनिसें न्ह्याःगु खः । थुगु प्याखं छम्ह वा निम्ह मनुखं वमन (वनमान्छे) या भेषय् वइगु खःसा इमित खिपतं चिना “वमनं कःनि स्यःचा खाला !” धकाः हाय्का सक्व देय् चाःहिकी । थुगु इलय् वमन जुम्ह मनुखं हाय्किपिन्त ल्यूवनेगु याइ ।

अथेहे सक्वय् निगू कथंया लाखे प्याखँ हुलेगु याइ । छ्पू धौवजी लाखे प्याखनय् लाखेयात मेपिन्सं हाय्की अले लाखे नं हाय्कुपिन्त ल्यूवनेगु याइ ।

मेगु लाखे कपाली समुदाय नं पिकाइगु लाखे खः । थुगु लाखे प्याखनय् त्वाः त्वालय् वनालाखे प्याखं हुलेगु याइ नापं मनूतय्सं धेबाः नं वीगु याइ । थुगु लाखे प्याखं छु दै न्ह्य जकः इयालिंचा तय्गु चलन यागु खः ।

थथेहे राजोपाध्यायीपिं च्वनिगु थाय् ब्रम्हपुरं नरसिंह जात्रा पिकाइ । उगु जात्राय् बाजासहितया देय् चाःहुलेगु परम्परा दु । थ्व नरसिंह जात्रा पिकाय्गु परम्परा भीष्म ज्वालानन्द राजोपाध्यायं सक्वय् न्ह्याकूगु इतिहास खनेदु ।

चिहाकलं

परम्परागत बाजंया म्हसीका सफू पिदन

यैं । संगीत अनुसन्धानकर्ता यचु शाक्यं च्वयादीगु ‘महाली बाजं व धाः बाजंया म्हसीका’ सफू छ्पू ज्याइवःया दथुइ विमोचन जूगु दु । श्रीघः विहारया शान्तिपुरय् जूगु उगु ज्याइवलय् नेपालभाषा परिषदया नायः सुवर्ण शाक्यं उगु सफूया विमोचन यानादीगु खः । यैं महानगरपालिका २५ वडाया नायः नीलकाजी शाक्यया सभाध्यक्षताय् जूगु उगु ज्याइवलय् न्हना वनेत्यंगु महाली बाजं व धाः बाजं थानाः ब्वज्या नं जूगु खः । नेपाःया

परम्परागत बाजं न्हना वनेत्यंगु अवस्थाय् थुकिया संबर्द्धन व प्रबर्द्धन याय्गु नितिं थुगु सफू महत्वपूर्ण जुइगु बिचाः उगु ज्याइवलय् प्वकूगु खः ।

डब्लूएनओ अमेरिकाया न्हाः

यैं । वर्ल्ड नेवाः अर्गनाइजेशन, अमेरिकाया छ्पू ज्याइवःया दथुइ न्हाः जूगु दु । प्रमेश श्रेष्ठया अध्यक्षताय् नीस्वंगु न्ह्यु ज्यासना पुचलय् बासब राजोपाध्याय मूख्याञ्जे, विजय बज्राचार्य दांभरिकथं ल्यःगु दु । अथेहे समीर महर्जन, केशरमान ताम्रकार, भूवनकृष्ण श्रेष्ठ व नरेन्द्रभक्त जोशीयात न्वकूकथं ल्यःगु दुसा बोर्ड अफ डाइरेक्टरकथं सरोज प्रजापति व रुवी श्रेष्ठयात ल्यःगु दु । थ्व हे इवलय्

येंया १२ वडाय् एसइइ पास जूपिन्त हन



यैं । यें महानगरपालिका १२ वडाय् स्थायी वसोपास यानाच्चीपिं थुगुसी एसइइ परीक्षाय् पास जूपिं ब्वमिपिन्त महिला बौद्ध समूहपाखें वंगु सञ्चरवाः हंगु दु ।

ब्वमिपिनिगु आत्मबल थाहां वय्मा धइगु आज्ञु ज्वनाः थुकथं हनेज्या याःगु खः । ज्याइवलय् यैं महानगरपालिकाया प्रमुख विद्या सुन्दर शाक्य, उप-प्रमुख हरिप्रभा श्रेष्ठ खइगी व १२ वडाया वडा नायः व दुजःपिन्सं प्रमाण-पत्र लःल्हानादीगु खः । समूहया नायः श्रीमिला सुवालया सभाध्यक्षताय् जूगु उगु ज्याइवलय् प्रमुख विद्या सुन्दर शाक्य, उप-प्रमुख हरिप्रभा श्रेष्ठ खइगीपिन्सं नं थःथःगु नुगः खँ प्वंकादीगु खः । ज्याइवलय् एसइइ पास जूपिं ५४ म्ह ब्वमिपिन्त हनेज्या याःगु खः ।

जगतसुन्दर ब्वनेकुथिया “पुन्दुचा ख्वबिलु”



यैं । सापारुया इवलय् जगतसुन्दर ब्वनेकुथिपाखें ‘पुन्दुचा ख्वबिलु’ प्याखं क्यनेगु ज्या जुल । ख्यालः च्वमि सुरेशकिरण मानन्धरं च्वयादीगु थुगु ख्यालकय् सैय्पु शाही, मेरी श्रेष्ठ, रिजा महर्जन, रमन महर्जन, सविन श्रेष्ठ, लूजः खइगी, अपूर्वा कर्माचार्यं म्हितादीगु खः । थुगु प्याखं रामकृष्ण खइगी स्यनादीगु खः ।

थुगु ज्याइवलय् बबिता मानन्धरं ‘सुलाः सुलाः’, सिजन कर्माचार्य, सुहानी बलामि व आर्यन लामिछाने ‘घण्टाघरया क्वय्’, सनिसा थापामगर व तृष्णा महर्जनं ‘सिमाकचा’ म्येय् हुलाप्याखं न्ह्यब्वयादीगु खः ।

ब्वनेकुथिया प्रधानाध्यापक माया मानन्धरं लसकुस यानादीगु उगु ज्याइवलय् पाहांकथं मीना बज्राचार्यं ख्यालि बुखें न्ह्यब्वयादीगु खःःसा म्येहालामिपिं माणिगक शाही, रत्नकुमार शाही, सुरेन्द्र श्रेष्ठ, सुरजवीर बज्राचार्य, रामकृष्ण खइगीं म्ये न्ह्यब्वयादीगु खः । शिक्षिका सुनीता मानन्धरं सुभाय् देछानादीगु खः ।

स्थानीय...

“पार्टी पहिचानया मुद्दाया नापनापं राजनीतिक मुद्दाया नितिं नं प्रत्येक महिनाय् छक्वः सम्मेलन/छलाफल आदि यानाः न्ह्याःवनेगु जुइ । दक्कलय् न्हापां स्वनिगलय् आतंककथं जुयाच्वंगु सतक विस्तारयात कयाः सहलह याय्गु जुइसा वया नापनापं मरुसतः पुनःनिर्माण, न्हय्गू सम्पदायात कयाः राजनीतिक न्ह्यलुवातलिसे च्वनाः सहलह याय्गु जुइ ।” नायः डा. सैजुं धयादी, “भीगु पहिचानयात ल्यंकातय्गु नितिं स्वनिगलय् नेपाःया मौलिक लिपिं साइनबोर्ड तय्केगु लिसें थीथी च्यागू भिगू बुदौत पारित याःगु दु ।”

पार्टीया मुँज्यापाखें न्ह्यु संविधानकथं स्वंगू तहया संरचनाय् पार्टीया संरचनाय् यंकेगु नं क्वःछ्छूगु दुसा केन्द्रीय, प्रदेश व स्थानीय सरकारकथं हे न्ह्याःवनीगु जूगु दु । थ्वहे इवलय् पार्टीयात न्ह्याकेगु नितिं ‘पार्ट टाइम’कथं मखु, पूर्णकालीन दुजः दय्काः थुकियात न्ह्याकेमाःगु आवश्यकता दुगु नं डा. सैजुं धयादी । वय्कलं पार्टीयात समावेशीकथं न्ह्याकेमाःगु आःया आवश्यकता जगु खँ धयादिसें संविधानकथं हे सेक्रेटरियल कमिटीइ एक तिहाइ मिसापिं दुथ्याकागु नं जानकारी बियादिल ।

नेवाःतलिसें आदिवासी जनजातिया पहिचानया मुद्दायात न्ह्यःने यंकीगु पार्टीकथं आशा यानातःगु थुगु पार्टीया हे सक्रिय दुजःतय्गु अभाव जुयाच्वंगु धइगु खँय् आः दिच्छ्या दुने न्याढःलिसे भिद्दः दुजःत दय्केगु लक्ष तयागु खँया जानकारी बियादिसें ३ नं प्रदेशय् १३गु जिल्लाया भ्रमण यानाः कमिटी दय्केगु व स्वनिगलं पिने दुपिं नेवाःतय्त

नं दुथ्याका यंकेगु खँ नायः डा. सैजुं धयादीगु दु ।

थ्वहे इवलय् थौंकन्ह्य् पार्टीया अस्तित्व खनेदयाच्वंगु मदु धइगु खँय् थःपिन्सं स्थानीय चुनावय् ब्वति मकया हे गलित जगु महसूस नं याःगु दु । थुकियात ध्यानय् तयाः स्थानीय चुनाव बहिष्कार याःसां केन्द्र व प्रदेशया चुनावय् ब्वति काइगु नं जानकारी ब्यूगु दु । थ्वहे इवलय् प्रतिनिधिसभाया चुनावय् म्होतिं छम्ह प्रत्यक्ष लिसें ३गु प्रतिशतया श्रेसहोल्डं यानाः चिचीधंगु पार्टी ल्यनी वा ल्यनीमखु धइगु मेगु छ्पू हाथ्याः जुयाच्वंगु खँ न्ह्यथनादिसें थुकियात कयाः पार्टी रणनीति व कार्यनीति ज्वनाः न्ह्याःवनेमाःगु खँ नं धयादीगु दु ।

लुमकेबहःजू, निक्वःगु संविधानसभापाखें पारित जूगु संविधान मधेसी, आदिवासी जनजातिलिसें मिसा, दलित, ल्यूनेलाःगु वर्गया प्रतिनिधित्व मजूसें पहिचानसहितया संघीयताया माग यासें संविधान संशोधन मयातलय् चुनावय् ब्वति काय्मखु धकाः मधेसी मोर्चालिसें नेपाः राष्ट्रिय पार्टी स्थानीय तहया चुनाव बहिष्कार याःगु खः । तर मधेसी मोर्चालिसे आबद्ध उपेन्द्र यादव नेतृत्वया संघीय समाजवादी फोरम नेपालं धाःसा चुनावय् ब्वति काय्गु मनसायं आन्दोलन न्ह्याकाच्चव्व हे निर्वाचन आयोगय् दल दर्ता याःगु खः ।

पहिचानया मुद्दायात न्ह्याकेगु खःसा पार्टीया पुसा ल्यंकातय्माः

यैय् पार्टीया निक्वःगु तःमुँज्याया इवलय् जगु न्हापांगु सत्रय् वरिष्ठ संस्कृतिविद् नापं शताब्दी पुरुष डा. सत्यमोहन जोशीं थीथी कथंया उतारचढाव फय्माःसां नं नेवाः लिसें आदिवासी जनजातिया पहिचानया मुद्दायात न्ह्याकेगु नितिं पार्टीया नीति

पाय्छि जगु खँ न्ह्यथनादिसें पार्टीया पुसा ल्यंकातय् माःगु खँय् वः बियादीगु दु । वय्कलं विविधतां जाःगु नेपालय् फुक्कसिगु पहिचान, समानताया नितिं हे ल्वाय्त नीस्वंगु पार्टी थौंकन्ह्य्या अवस्थाय् थें संकटय् लाःसां नं उगु संकटयात हे चीकाः न्ह्याःवनेमाःगु धयादिल ।

अथहे जनकवि दुर्गालाग श्रेष्ठं पार्टी थःगु अवगुणयात म्हसीकाः आत्मालोचना यासें उकियात न्यूनीकरण याय्फूसा जक तःमुँज्याया औचित्य दइगु बिचाः प्वंकादिल । थ्वहे इवलय् नेवाः देय् दबूया नायः नरेश ताम्रकारं पार्टी दुने दयाच्चंगु संकीर्णता, कमिकमजोरीयात चीकाः पार्टीयात न्ह्यःने यंकेमाःगु सुभाव बियादीगु दु ।

पार्टीया कार्यवाहक नायः सुवर्णकेशरी चित्रकारया सभाध्यक्षताय् जगु उगु तःमुँज्याय् नेवाः आन्दोलनया न्ह्यलुवा डा. महेशमान श्रेष्ठ, ज्यापु महागुथिया नायः राजभाइ जकःभि, खसाड राष्ट्रिय संघर्ष समितिया संयोजक प्रेमबहादुर खातिं अफ्र नं मधेशलिसें आदिवासी जनजातिया अधिकारया मुद्दा आःतक नं राज्यपाखें सम्बोधन मजुर्गलिं पहिचानलिसें संघीयताया मुद्दायात ज्वनाः न्ह्याःवनीगु दल आवश्यक जगु बिचाः तःगु खः ।

पार्टीया...

केन्द्रीय समितिया मुँज्या म्होति नं निलाया छक्वः च्वनेगु जुइ । अथे हे मेमेगु ज्या थथे क्वःछ्छूगु जुल । क. प्रत्येक महिनाय् नेवाःतय्त सुसूचित याय्गु

अथवा पुरोहितयात नरसिंह दयेकेगु परम्परा कथं थुगुसी पाःलाःम्ह शर्माया जिलाजं अन्जन राज राजोपाध्याययात नरसिंह दय् काः यल देय् चाःहुइकूगु खः । नरसिंहलिसें लक्ष्मी, सरस्वती व प्रल्हादयात यलया सायाः रुटय् चाःहुकूगु खः । पाः लाःम्हेसिया छैय् नं हे जात्रा पिकायेगु व क्वचायेकेगु परम्परा कथं पाः लाःम्ह शर्माया छै तुइलाक्वं जात्रा न्ह्याःगु खःसा तुइलाक्वं सौगः, नुगः त्वाः, ओकुबहाल, थैना, चक्रबही, हौगः, तिच्छुँगल्ली, वला, पुन्चली, गाःबहाः, पिम्बहाः, वालिफः, क्वालखु जुयाः मंगलं तुइलाक्वय् हे थ्यंकाः जात्रा क्वचाःगु खः । द्यःगणपिलिसें खुज्वः अप्सरापिं, भजन पुचःत, धिमेय् पुचःत व थीथी भौँकिलिसें देय् चाःह्य्गु खः । यलय् काति प्याखनय्

पिहांवइम्ह नरसिंहयात अग्र रुपया नरसिंह कथं काइसा उपाकलं सायाःया नरसिंहयात शान्त रुप कथं काइ ।

मदुम्ह खेलकूद पत्रकार महर्जनयात लुमंकल

यैं । मदुम्ह खे लकूद पत्रकार, संगीतकारलिसें शिक्षक नवीन महर्जन मदुगु लत्याया पुण्यतिथी वंगु सञ्चरवाः सुगम संगीत पुचः, किपू नं गुतपौ त्वालय् सांगीतिक श्रद्धाञ्जली देछात । पुचःया नायः न्हुच्छे दर्शनया सभाध्यक्षताय् जूगु उगु ज्याइवलय् प्रदीप महर्जन, राजेन्द्र कुमार पुता व वीरप्रसाद भन्सारीपिं मदुम्ह नविन महर्जनया बारे थीथी नुगःखँ तयादीगु खः । पुचःया छ्याञ्जे ध्रुब कुमार महर्जनं लसकुस यानादीगु खः ।

ललितपुर सुनचाँदीया न्याक्वःगु दँमुँज्या



यै। ललितपुर सुनचाँदी व्यवसायी संघया न्याक्वःगु दँमुँज्या जुल।

यलय् जूगु उगु ज्याइवःया उलेज्या मूपाहां नेपाल सुनचाँदी व्यवसायी महासंघया नायः मोहनकुमार सुनारं त्वाःदेवाय् मत च्याकाः यानादीगु खः। ज्याइवल्य् यल महानगरपालिकाया उप-प्रमुख गीता सत्याल, यलया प्रमुख जिल्ला अधिकारी राजकुमार श्रेष्ठ, नेपाल सुनचाँदी व्यवसायी महासंघया पुलांम्ह नायः मणिरत्न शाक्य, वरिष्ठ उपाध्यक्ष माणिकरत्न शाक्य, पुलांम्ह मन्त्री बुद्धिराज बज्राचार्य, पुलांम्ह मुख्य सचिव तिरथ शाक्य व डिआइजी दूले राईपनिगु उपस्थिति दुगु खः।

माँ पुचःगोफल प्रा.लि.को

महिला क्याटरिङ्ग सेवा



शुभ ब्रिवाह, व्रतबन्ध, अन्तप्राशन, बाऱ्हा भव्य, सभा, गोष्ठी, तालिम, पिकनीकहरुमा नास्ता, खाजा, खाना, सम्येबजी, नेवारी भोज, बफे पार्टी तथा अन्य नेवारी परिकारहरु (योमरी, बारा, चतामरी, सगुन सेट) आवश्यक भएमा साथै हाफ क्याटरिङ्ग सेवा, भोज गर्ने ठाउँ सस्तो महँगो लगाएत महिला कुक चाहिएमा हामीलाई सम्झनुहोस।

सम्पर्क समयः
बिहान १० देखि ६ सम्म

माँ पुचः गोफल प्रा.लि.
फोन ४२६६३७७, ४२९२८४४

कुमारीपाटी फिटनेस सेन्टर

Kumaripati, Lalitpur | Tel: 01 5531537



Indra Shrestha
9841553856

हरेक दिन
जुम्बा एरोबिक



Rajesh Bajracharya
9841414511

आइतबार देखि शुक्रबारसम्म
विहान ६ बजेदेखि बेलुका ८ बजेसम्म
शनिबार विहान ६-११ बजेसम्म

हार्दिक बधाई



नेपाः राष्ट्रिय पार्टीया निक्वःगु तःमुँज्यां

डा. विजय प्रकाश सैजु

नायः पदय् सर्वसम्मति निर्वाचित जूगुलिं भित्तुना देखासँ न्हूगु ज्यासना पुचःयात पूर्ण कार्यकालया सफताया कामना याना।

डा. दुर्जालाल श्रेष्ठ
नैकाप, यै

हार्दिक बधाई



नेपाः राष्ट्रिय पार्टीया निक्वःगु तःमुँज्यां

डा. विजय प्रकाश सैजु

नायः पदय् सर्वसम्मति निर्वाचित जूगुलिं भित्तुना देखासँ न्हूगु ज्यासना पुचःयात पूर्ण कार्यकालया सफताया कामना याना।

प्रेमबहादुर खाति, संयोजक
खसार्ङ्ग राष्ट्रिय संघर्ष समिति

हार्दिक बधाई



नेपाः राष्ट्रिय पार्टीया निक्वःगु तःमुँज्यां

डा. विजय प्रकाश सैजु

नायः पदय् सर्वसम्मति निर्वाचित जूगुलिं भित्तुना देखासँ न्हूगु ज्यासना पुचःयात पूर्ण कार्यकालया सफताया कामना याना।

कुमार राई, अध्यक्ष
सामाजिक लोकतान्त्रिक पार्टी

हार्दिक बधाई



नेपाः राष्ट्रिय पार्टीया निक्वःगु तःमुँज्यां

डा. विजय प्रकाश सैजु

नायः पदय् सर्वसम्मति निर्वाचित जूगुलिं भित्तुना देखासँ न्हूगु ज्यासना पुचःयात पूर्ण कार्यकालया सफताया कामना याना।

तामाङ बुद्धराज साङ्ताङ्ग, अध्यक्ष
आदिवासी जनजाति पार्टी नेपाल

NASA MANDAL
नासः मण्डल
गोष्ठी, काठमाडौं
9841414511 / 9841517800

नासः मण्डलया ज्वरालय

मिस ज्यापु
MISS JYAPU
BEAUTY PAGEANT

नासः मण्डलया ज्वरालय

नासः मण्डलया ज्वरालय

स्वतन्त्र मिस ज्यापु ब्यक्ति कायन्
१७ निस २४ दंतक्यापिनि नििति

अफिमियल मिडियाः

नासः मण्डलया ज्वरालय

नासः मण्डलया ज्वरालय

नासः मण्डलया ज्वरालय

नासः मण्डलया ज्वरालय

नासः मण्डलया ज्वरालय

नासः मण्डलया ज्वरालय

नासः मण्डलया ज्वरालय

नासः मण्डलया ज्वरालय

नासः मण्डलया ज्वरालय

नासः मण्डलया ज्वरालय